

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԳԻՏԱԿԱՆ ԽՈՐՀՐԴԻ

ՈՐՈՇՈՒՄ 6/5

30 մարտի 2017 թվականի

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԳԻՏԱԿԱՆ ԽՈՐՀՐԴԻ ՈՐԱԿԻ ԱՊԱՀՈՎՄԱՆ
ՄՇՏԱԿԱՆ ՀԱՆՁՆԱԺՈՂՈՎԻ ԱՇԽԱՏԱԿԱՐԳԸ ՀԱՍՏԱՏԵԼՈՒ ՄԱՍԻՆ

Ղեկավարվելով Երևանի պետական համալսարանի կանոնադրության 49-րդ կետի 14-րդ ենթակետով և ԵՊՀ գիտական խորհրդի կանոնակարգի 4-րդ կետի 14-րդ ենթակետով՝ Երևանի պետական համալսարանի գիտական խորհուրդը որոշում է.

1. Հաստատել Երևանի պետական համալսարանի գիտական խորհրդի որակի ապահովման մշտական հանձնաժողովի աշխատակարգը:
2. Ուժը կորցրած ճանաչել ԵՊՀ գիտական խորհրդի՝ 2012թ. ապրիլի 20-ի նիստում հաստատված՝ Երևանի պետական համալսարանի գիտական խորհրդի՝ Երևանի պետական համալսարանի որակի ապահովման մշտական հանձնաժողովի աշխատակարգը:
3. Սույն որոշումն ուժի մեջ է մտնում ընդունման պահից:

ԵՊՀ ԳԻՏԱԿԱՆ ԽՈՐՀՐԴԻ ՆԱԽԱԳԱՀ

Ա. Հ. ՍԻՄՈՆՅԱՆ

Հաստատված է
ԵՊՀ գիտական խորհրդի
2017 թ. մարտի 30-ի թիվ 6 նիստում

ԵՊՀ գիտական խորհրդի նախագահ
Ա. Հ. Սիմոնյան

ԱՇԽԱՏԱԿԱՐԳ
ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԳԻՏԱԿԱՆ ԽՈՐՀՐԴԻ
ՈՐԱԿԻ ԱՊԱՀՈՎՄԱՆ ՄՇՏԱԿԱՆ ՀԱՆՁՆԱԺՈՂՈՎԻ

I. ԸՆԴՀԱՆՈՒՐ ԴՐՈՒՅԹՆԵՐ

1. Երևանի պետական համալսարանի (այսուհետ՝ ԵՊՀ) գիտական խորհրդի որակի ապահովման մշտական հանձնաժողովը (այսուհետ՝ հանձնաժողով) իր գործունեությունն իրականացնում է ԵՊՀ կանոնադրությանը, ԵՊՀ ներքին իրավական ակտերին և սույն աշխատակարգին համապատասխան:
2. Հանձնաժողովի գործունեության նպատակն է իր կանոնակարգման ոլորտին վերաբերող հարցերի ուսումնասիրումը, նախապատրաստումը և դրանց վերաբերյալ ԵՊՀ գիտական խորհրդին եզրակացությունների ներկայացումը:
3. Հանձնաժողովն իր կանոնակարգման ոլորտին վերաբերող գործընթացներն իրականացնում է ԵՊՀ որակի ապահովման հայեցակարգին համապատասխան՝ իր նախաձեռնությամբ, ԵՊՀ գիտական խորհրդի և (կամ) ռեկտորի հանձնարարությամբ:
4. Հանձնաժողովի գործունեության ժամկետը հինգ տարի է: Հանձնաժողովը բաղկացած է յոթ անդամից, որոնցից մեկը ԵՊՀ ուսանող է: Հանձնաժողովի անվանական կազմը հաստատում կամ դրանում փոփոխություններ է կատարում ԵՊՀ գիտական խորհուրդը:

II. ՀԱՆՁՆԱԺՈՂՈՎԻ ԽՆԴԻՐՆԵՐԸ

5. Հանձնաժողովի խնդիրներն են.

1) ԵՊՀ որակի ներքին ապահովման իրավական ակտերի նախագծերի ուսումնասիրումը և դրանց հաստատման համար ԵՊՀ գիտական խորհրդին եզրակացությունների ներկայացումը:

2) ԵՊՀ նոր կամ վերանայված կրթական ծրագրերի նախագծերի վերաբերյալ փորձագիտական եզրակացությունների ուսումնասիրումը և ծրագրերի հաստատման համար ԵՊՀ գիտական խորհրդին եզրակացությունների ներկայացումը:

3) ԵՊՀ կանոնադրությամբ, ներքին իրավական ակտերով և սույն աշխատակարգով իրեն վերապահված այլ լիազորությունների իրականացումը:

III. ՀԱՆՁՆԱԺՈՂՈՎԻ ԳՈՐԾՈՒՆԵՈՒԹՅԱՆ ԿԱԶՄԱԿԵՐՊՈՒՄԸ

6. Հանձնաժողովն իր գործունեությունը կազմակերպում է նիստերի միջոցով, որոնք հրավիրվում են ըստ անհրաժեշտության: Հանձնաժողովի առաջին նիստը հրավիրում է ղեկավարը, որի ընթացքում ընտրվում է հանձնաժողովի նախագահ: Հանձնաժողովի հաջորդ նիստերը հրավիրում է հանձնաժողովի նախագահը:

7. Հանձնաժողովի նիստերն իրավազոր են, եթե դրանց մասնակցում է հանձնաժողովի անդամների երկու երրորդը: Հանձնաժողովում որոշումներն ընդունվում են հանձնաժողովի նիստին ներկա անդամների ձայների պարզ մեծամասնությամբ: Ձայների հավասարության դեպքում հանձնաժողովի նախագահն ունի վճռորոշ ձայնի իրավունք:

8. Հանձնաժողովի նախագահի բացակայության դեպքում նիստը վարում է նրա կողմից նշանակված հանձնաժողովի անդամը:

9. Հանձնաժողովի նիստերն անցկացվում են հանձնաժողովի նախագահի կողմից առաջարկվող օրակարգով և արձանագրվում են:

IV. ՀԱՆՁՆԱԺՈՂՈՎԻ ՆԱԽԱԳԱՀԸ

10. Հանձնաժողովի նախագահը՝

1) հրավիրում և վարում է հանձնաժողովի նիստերը,

2) համակարգում է հանձնաժողովի որոշումների ընդունման գործընթացը,

3) առանձին հարցերի քննարկման նպատակով հրավիրում է համապատասխան մասնագետների և փորձագետների,

4) ԵՊՀ գիտական խորհրդում ներկայացնում է հանձնաժողովի կողմից քննարկված նախագծերը,

5) իրականացնում է ԵՊՀ ներքին իրավական ակտերով և սույն աշխատակարգով նախատեսված այլ լիազորություններ:

V. ՀԱՆՁՆԱԺՈՂՈՎԻ ԱՆԴԱՄԸ

11. Հանձնաժողովի անդամը՝

1) մասնակցում է հանձնաժողովում բարձրացված հարցերի վերաբերյալ քննարկումներին,

2) հանձնաժողովում անցկացված քննարկումների հիման վրա քվեարկության միջոցով մասնակցում է որոշումների ընդունմանը,

3) հանձնաժողովի որոշմամբ ԵՊՀ գիտական խորհրդում ներկայացնում է հանձնաժողովի կողմից քննարկված նախագծերը,

4) իրականացնում է ԵՊՀ ներքին իրավական ակտերով և սույն աշխատակարգով իրեն վերապահված այլ լիազորություններ:

12. Հանձնաժողովում քննարկված հարցերի վերաբերյալ հանձնաժողովի անդամը կարող է ունենալ հատուկ կարծիք և այն ներկայացնել ԵՊՀ գիտական խորհրդի նիստում: